

## Trosolwg

Mae'r safon hon ar gyfer yr holl ymarferwyr datblygu cymunedol sy'n gweithio ar draws gwahanol gymunedau ac yn darparu cysylltiadau a/neu gydlyniad rhwng cymunedau.

Mae'n cynnwys meithrin perthynas rhwng cymunedau amrywiol, cyrff cyhoeddus a sefydliadau eraill. Mae'n cynnwys ymdrin yn greadigol â'r tensiynau wrth weithio'n strategol ar draws ardal ehangach neu gyda mentrau mwy sy'n effeithio ar lawer o wahanol gymunedau.

Noder: Mae partneriaethau yn cynnwys partneriaethau a rhwydweithiau ffurfiol ac anffurfiol.

Trefnir y safonau datblygu cymunedol yn chwe maes allweddol:

- Un - deall ac ymarfer datblygu cymunedol
- Dau - deall cymunedau ac ymgysylltu â nhw
- Tri - gwaith grŵp a gweithredu ar y cyd
- Pedwar - cydweithio a gweithio ar draws sectorau
- Pump - dysgu cymunedol er newid cymdeithasol
- Chwech - llywodraethu a datblygu sefydliadol

Mae'r safon hon yn rhan o Faes Allweddol Pedwar

## Meini prawf perfformiad

### *Rhaid i chi allu:*

- 1 asesu'r amgylchedd gwleidyddol, cymdeithasol ac economaidd newidiol sy'n effeithio ar eich cymuned eich hun
- 2 cyfathrebu manteision rhwydweithio o fewn a rhwng cymunedau a sectorau i gymunedau, asiantaethau cyhoeddus a sefydliadau eraill
- 3 cefnogi partneriaethau i gydweithio ar faterion lle maent yn cystadlu yn ogystal â rhai sy'n gyffredin iddynt
- 4 cefnogi datblygiad partneriaethau lle nad oes rhai'n bodoli ac mae o fudd eu sefydlu
- 5 cefnogi rhwydweithio anffurfiol sy'n hybu dialog a dealltwriaeth rhwng cymunedau ac ar eu traws
- 6 hybu gweithio ar y cyd sy'n herio arferion, rhagdybiaethau a stereoteipiau sy'n cau allan
- 7 cynyddu ymwybyddiaeth o rwystrau i ymwneud grwpiau cymunedol
- 8 cynnal systemau sefydliadol teg a chyfiawn yn eich sefydliad eich hun
- 9 hybu polisïau sefydliadol teg a chyfiawn mewn sefydliadau partner
- 10 ymgynghori ar weithgareddau a strategaethau a gynlluniwyd a allai effeithio ar gymunedau
- 11 hybu ffyrdd o gynnwys cymunedau sydd ar y cyrion a grwpiau cymunedol bychain mewn prosesau strategol ar gyfer rhwydweithio, dylanwadu a gwneud penderfyniadau
- 12 galluogi partneriaethau i gydnabod sut mae anghydbwysedd o ran pŵer ac adnoddau'n effeithio ar y berthynas rhwng cymunedau ac ar eu traws
- 13 defnyddio modelau ar gyfer gweithio rhwng cymunedau a fydd yn cefnogi datrys problemau ar y cyd ar draws cymunedau
- 14 ceisio cefnogaeth ac adnoddau i hwyluso dysgu, gweithio ac ymgysylltu â'r broses o wneud penderfyniadau rhwng cymunedau

## Gwybodaeth a dealltwriaeth

*Mae angen i chi wybod a deall:*

Y rhesymeg a'r cyd-destun

1 sut mae democratiaeth gynrychioliadol a chyfranogol yn gweithio'n ymarferol

2 cysyniadau llythrennedd gwleidyddol, hawliau dinasyddiaeth a chyfrifoldebau yng nghyswllt llywodraethu

3 polisiâu perthnasol y llywodraeth ar lefel leol, genedlaethol a rhyngwladol

4 y cyfraniad y gall amrywiol grwpiau annibynnol a chymunedau ei wneud i benderfyniadau sy'n effeithio ar gymunedau

5 sut mae anghyfiawnder, camwahaniaethu ac eithrio cymdeithasol yn effeithio ar fywydau unigolion a chymunedau

Ffactorau sy'n cefnogi gwaith effeithiol mewn partneriaeth

6 sefydliadau partneriaeth sy'n llunio, neu sy'n cyfrannu at, benderfyniadau sy'n effeithio ar gymunedau

7 sut gellir dylanwadu ar benderfyniadau neu argymhellion

8 amrywiaeth grwpiau a chymunedau

9 sut gall anghyfiawnder, camwahaniaethu ac eithrio cymdeithasol atal ymwneud â gwaith partneriaeth

10 modelau gweithio ar y cyd a'r goblygiadau o ran cynnwys y gymuned

11 goblygiadau adnoddau a chefnogaeth ar gyfer ymgysylltu â'r sbectrwm eang o randdeiliaid posibl

12 cylch oes partneriaethau, eu cyfyngiadau, a'r ffactorau a all leihau cynaliadwyedd

Technegau a dulliau

13 technegau cynhwysol a chyfranogol ar gyfer cynllunio strategaeth a chymunedau

14 modelau cynhwysol a grymusol o eiriolaeth

15 systemau a gweithdrefnau er mwyn sicrhau atebolrwydd i gymunedau

16 strategaethau ymadael ar gyfer mentrau neu brosiectau sydd ag oes benodedig

17 systemau cyfathrebu a sefydliadol i gynnal gwaith strategol ar y cyd ar draws rhwydweithiau a phartneriaethau

18 technegau a fframweithiau ar gyfer monitro, adolygu a gwerthuso gwaith ar y cyd

## Gwerthoedd

Seiliwyd datblygu cymunedol ar gyfres o werthoedd sy'n ei osod ar wahân i weithgareddau eraill, a all fod yn gysylltiedig, yn y gymuned. Mae'r gwerthoedd hyn yn greiddiol i ddatblygu cymunedol, ac yn darparu sylfaen ar gyfer pob un o'r safonau. Y gwerthoedd yw;

- 1 Cyfiawnder cymdeithasol a chydaddoldeb
- 2 Gwrthweithio camwahaniaethu
- 3 Grymuso cymunedol
- 4 Gweithredu ar y cyd
- 5 Gweithio a dysgu gyda'n gilydd

Mae'r enghreifftiau canlynol yn dangos sut gallai pob un o'r gwerthoedd datblygu cymunedol lywio ymarfer yn y safon hon. Nid yw'r gosodiadau hyn yn rhan o'r gofynion asesu.

- 1 bod cyfraniad cymunedau a grwpiau yn cael ei werthfawrogi o ran cryfderau, sgiliau, gwybodaeth a phrofiad, yn hytrach nag adnoddau ariannol
- 2 bod mecanweithiau'n cael eu rhoi ar waith i gefnogi ymwneud â chynrychiolaeth cymunedau sydd ar y cyrion mewn rhwydweithiau a phartneriaethau
- 3 bod dylanwad cymunedau'n cael ei gryfhau trwy weithredu cydweithredol ac ar y cyd
- 4 bod prosesau a gweithdrefnau'n adlewyrchu tryloywder ac atebolrwydd i gymunedau
- 5 bod dysgu o amrywiol brofiadau pobl o fewn y rhwydwaith yn cael ei annog a'i gefnogi

## Cysylltiadau Allanol

Cydlynu rhwydweithiau a phartneriaethau mewn modd strategol

<b>Datblygwyd gan</b>	NYA
<b>Dyddiad cymeradwyo</b>	28 Chwef 2015
<b>Dyddiad Adolygu Dangosol</b>	28 Chwef 2018
<b>Dilysrwydd</b>	Ar hyn o bryd
<b>Statws</b>	Gwreiddiol
<b>Sefydliad cychwynnol</b>	Learning Skills Improvement Service
<b>RCU gwreiddiol</b>	LSICD16
<b>Galwedigaethau perthnasol</b>	Gweithwyr Cymunedol Gwirfoddol, Grwpiau Cymorth Cymunedol
<b>Cyfres/Set</b>	Datblygu Cymunedol
<b>Geiriau Allweddol</b>	datblygu cymunedol; ymarferydd datblygu cymunedol; ymarfer datblygu cymunedol; gwerthoedd datblygu cymunedol; ymchwil datblygu cymunedol; ymgynghori ar ddatblygu cymunedol; grwpiau datblygu cymunedol; dulliau datblygu cymunedol